

**Protocol no. 62**  
**Sezzüda da lündeschdi, 7 gün 2010, 20.00 – 22.30**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 61 da la sezzüda dals 31 mai 2010 vain approvà.

**531 021 FABRICA**  
**Max Dudler – Fouras geotermicas – Avant Baselgia**

Sün dumonda da sar Dudler decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il Cumün inchascha üna taxa da trattamaint da fr. 100.--.
3. Il quint dal Chantun importa fr. 200.--.

**532 021 FABRICA**  
**Armon Taverna – Saiv – Chasa B Via Sura**

Sün dumonda da sar Armon decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il patrun da fabrica ha da tour posiziun a regard l'intent realisà sainza permiss da fabrica.
3. Il Cumün inchascha üna taxa da trattamaint da fr. 100.--.

**533 021 FABRICA**  
**Mengia Giacomina Janett – Plazzas da parcar – Archas 206**

Sün dumonda da dna Janett decida il Cussagl cumünal da dar il permiss per fabricar las duos plazzas da parcar al südost da la chasa cun seguaintas cundiziuns:

1. Tenor la dumonda corretta e fatta buna ed acclusa al permiss.
2. Il Cumün inchascha üna taxa da trattamaint da fr. 100.--.

**534 021 FABRICA**  
**Armon Taverna – Sömmi bar - Niruns**

Il schef da fabrica orientescha chi saja entrà da la Pro Natura üna posiziun, adressada a l' Uffizi chantunal, in connex culla fabrica da la sömmi bar.

536 021

**FABRICA**  
**Uina SA – Chava da glera – Parnarsura**

Il schef da fabrica orientescha sur la posiziun da l'uffizi chantunal e quel da la Pro Natura a regard l'explotaziun transitoria da max. 10'000 m3. L'uffizi chantunal pretenda üna decisiun dal Cussagl cumünal chi's saja perinlet cull' explotaziun transitoria e chi gnia defini la fuormaziun da la deponia in connex culla revisiun da la planisaziun totala. La Pro Natura pretenda chi's fetscha ün concept per recumbenar la prada sütta chi vain impuonüda.

Il Cussagl cumünal decida da far bun l'explotaziun transitoria (max. 10'000 m3) da l'Uina SA. Quai chi pertocca la pretaisa da la Pro Natura ha il Cussagl fingià fat bun ün credit net da fr. 5'000.- per planisar üna zona da priorità da prada sütta.

537 021

**FABRICA**  
**Ludwig Noggler – Muossavias – Dormir sül strom**

Il Cussagl cumünal vaiva decis illa sezzüda dals 17 mai 2010 da metter a disposiziun lös per muossavias chi pon gnir douvrats eir dad oters interessents. Fin cha quai es uschè inavant, decida il Cussagl cumünal da laschar metter sü a la famiglia Ludwig Noggler provisoric per quista stà in trais lös tablinas chi muossan via sün lur nouva sporta „Dormir sül strom“.

538 942.423.05

**Fits per terrains cumünals**  
**Dumonda – Chomp illa Val d'Uina**

Il manader da la Jungschar da la raspada libra Zernez dumonda schi nu füss pussibel da manar tras ün chomp dals 24 – 27 lügl 2010 illa Val d'Uina. Il Cussagl cumünal decida da nu pudair aderir a quista dumonda causa cha quai as cuntrafà culla ledscha da fabrica art. 38. L'unic lö pussibel füss giò'l Plan da las Amuras ingio chi s'ha fingià plüssas jadas dat ün permiss exepziunal.

539

**Orientaziuns**

1. Hof Zuort

Il possessur dal Hof Zuort vess gugent cha'l cumün decida ün muratori per 1 on per ün scumond da tagliar bos-cha ch'id es plü veglia sco 50 ons e quai in tuot la zona intuorn Zuort fin Charetsch Sura. Il Cussagl cumünal ha contact cul Uffizi da god chantunal per eruir in che fuorma cha quai füss pussibel.

2. Hotel – Archas Sura

Il schef da fabrica orientescha cha las trattativas per survgnir terrain nun hajan gnü success e cha l'investur saja lasupra orientà.

Il Cussagl cumünal manaja chi saja eir scha'l proget nu gniss realisà, in connex culla planisaziun cumünala, da s-chaffir e fixar üna zona d'hotels.

3. Dmura d'attempats Punt' Ota

La schefa da sanità orientescha sur da la radunanza generala da la dmura d'attempats Punt' Ota chi ha gnü lö a Scuol als 25 mai 2010 a Scuol. Il quint annual serrà cun ün s-chavd da raduond fr. 88'000.--.

4. Radunanza – Colliaziun da tren cul Tirol dal Süd

Il capo orientescha sur da la 1. radunanza dal comité internaziunal per üna colliaziun da tren cul Tirol dal Süd. La radunanza ha gnü lö als 28 mai 2010 a Meran. La planisaziun d'üna varianta pussibla vain pajada per part da l'Interreg IV, d'uffizis da l'Italia e dal chantun Grischun.

5. Radunanza internaziunala da l'Allianza da las Alps

Il capo orientescha sur da la radunanza internaziunala da l'Allianza da las Alps chi ha gnü lö a Kamnik (Slovenia) als 4 – 5 gün 2010. Kamnik as less svilupar sün üna via verda e voul esser consciaint da las valuors ecologicas.

L'actuar: